

SIARAN AKHBAR

UNTUK SIARAN SEGERA

GREAT EASTERN LIFE BERKONGSI KECERIAAN MENJELANG AIDILFITRI BERSAMA ANAK-ANAK YATIM SEKITAR KUALA LUMPUR

Lebih RM10,000 sumbangan berbentuk penapis air dan persiapan raya

Kuala Lumpur, 7 Julai 2015 – Great Eastern Life Assurance (Malaysia) Berhad (Great Eastern Life) menyampaikan sumbangan penapis air bagi membekalkan air bersih yang berjumlah lebih RM5,500 kepada lima (5) buah rumah anak-anak yatim hari ini di Majlis Iftar Ramadhan bersama Great Eastern Life di Menara Great Eastern, Jalan Ampang. Sumbangan telah disampaikan oleh Pengarah dan Ketua Pegawai Eksekutif Great Eastern Life, YBhg. Dato Koh Yaw Hui kepada wakil-wakil penjaga rumah anak-anak yatim tersebut.

Antara penerima sumbangan adalah Rumah Anak Yatim Baitul Fitrah, Pusat Jagaan Cahaya Kasih Bestari, Pertubuhan Kebajikan Al Kausar, Rumah Siraman Kasih dan Rumah Kasih Sayang. Program Ihya' Ramadhan di bawah naungan Great Eastern Life ChildrenCare ini turut menyediakan duit raya untuk 40 orang anak-anak yatim yang hadir. Turut hadir pada majlis tersebut adalah pengurusan kanan serta warga kerja Great Eastern Life.

Dato Koh ketika ditemui berkata, “Saya gembira kerana berpeluang untuk merasai suasana berbuka puasa bersama anak-anak yatim dan juga warga kerja Great Eastern Life.”

“Sumbangan penapis air ini secara tidak langsung dapat membekalkan air yang bersih untuk kegunaan seharian mereka serta turut menyokong tumbesaran yang sihat buat anak-anak kurang bernasib baik ini.” tambah beliau.

Great Eastern Life turut membawa anak-anak yatim daripada Rumah Anak Yatim Baitul Fitrah untuk membeli pelbagai persiapan raya seperti baju, kasut, jam tangan, tudung dan banyak lagi bagi memeriahkan serta mencerikan sambutan Aidilfitri mereka.

MENGENAI CHILDRENCARE

Dilancarkan pada tahun 1995, ChildrenCare adalah inisiatif untuk memupuk semangat prihatin dan perkongsian dikalangan kakitangan dan kumpulan agensi. Sejalan dengan penjenamaan baharu Great Eastern Life sebagai sebuah Syarikat yang menerajui Kehidupan, ChildrenCare memberi tumpuan kepada tiga aspek utama bagi membantu kanak-kanak yang kurang bernasib baik untuk hidup sihat dan bermakna – pendidikan, kesihatan dan pembangunan peribadi. Setiap tahun, kakitangan dan kumpulan agensi bekerjasama untuk mengumpul derma daripada orang awam dan kesemua dana didermakan untuk manfaat kanak-kanak. Sepanjang 20 tahun penubuhan, sebanyak RM2.0 juta telah didermakan kepada lebih daripada 180 rumah kebajikan di seluruh Malaysia melalui ChildrenCare bagi membantu mencapai perubahan yang hebat dan berkekalan dalam hidup kanak-kanak ini.

Selain daripada kutipan dana dan pendermaan, ChildrenCare juga disokong oleh sukarelawan “I-Pledge” yang terdiri daripada kakitangan Great Eastern yang secara sukarela meluangkan waktu lapang mereka demi menjayakan aktiviti-aktiviti amal untuk menolong kanak-kanak yang kurang bernasib baik. Aktiviti-aktiviti ini yang memberi tumpuan kepada tiga aspek utama tersebut, bukan hanya direka untuk sesuatu yang penuh keseronokan malah mempunyai elemen-elemen motivasi dan inspirasi. Antara projek-projek yang telah dilaksanakan adalah “Programme Aspirasi Gemilang ‘A’”, “Together We Experience Nature”, “Going Green with Effective Microorganisms”, “Reading To The Blind”, “ChildrenCare Camp with Children of Aborigines”, “Fun and Easy Learning English”, “ChildrenCare Arts and Crafts Day”, dll.



Untuk keterangan lanjut atau untuk menderma kepada tabung ChildrenCare, sila hubungi Talian ChildrenCare 03-4259 8878.

MENGENAI GREAT EASTERN LIFE ASSURANCE (MALAYSIA) BERHAD

Great Eastern telah memulakan operasinya pada tahun 1908 sebagai sebuah cawangan Great Eastern Life Assurance Company Limited. Operasi di Malaysia kemudiannya telah diperbadankan iaitu Great Eastern Life Assurance (Malaysia) Berhad di bawah Skim Pemindahan Perniagaan. Syarikat telah dianugerahkan sebagai penerima “The Oldest and Largest Life Insurer” di Malaysia oleh ‘The Malaysia Book of Records’ pada tahun 1998.

Dengan hampir dari seabad pengalaman dan asas kewangan teguh, Great Eastern kini mempunyai aset berjumlah RM66.9 bilion, memiliki lebih dari 3.0 juta polisi berkuat kuasa dan 17,000 orang ejen di seluruh negara pada 31 Disember 2014. Hingga kini, Great Eastern mempunyai 21 cawangan dan antara produk-produk syarikat terdiri daripada pelan perlindungan insurans hayat, pelan berkait pelaburan, perlindungan pinjaman perumahan, perlindungan perniagaan, kebajikan pekerja, insurans perubatan dan skim faedah kesihatan berkumpulan. Great Eastern Life Assurance (Malaysia) Berhad adalah syarikat subsidiari yang dimiliki sepenuhnya oleh Great Eastern Holdings Limited (GEH) dan syarikat induk iaitu Oversea-Chinese Banking Corporation Limited (OCBC).

MENGENAI GREAT EASTERN HOLDINGS LIMITED

Great Eastern merupakan kumpulan insurans hayat yang tertua dan terkukuh di Singapura dan Malaysia. Dengan aset sebanyak \$67.4 bilion dan 4.7 juta pemegang polisi, ia mempunyai tiga saluran pengedaran yang berjaya – penggabungan agensi, bankasurans dan firma penasihat kewangan, Great Eastern Financial Advisers. Syarikat juga beroperasi di China, Indonesia, Vietnam, dan Brunei serta mempunyai wakil pejabat di Myanmar.

Syarikat telah dianugerahkan sebagai Life Insurance Company of the Year di Asia Insurance Industry Awards pada tahun 2011 dan 2013 oleh Asia Insurance Review. Great Eastern Life Assurance Company Limited telah diberikan pengiktirafan kekukuhan kewangan dan penarafan kredit rakan niaga ‘AA-’ oleh Standard & Poor’s, yang tertinggi di kalangan syarikat insurans hayat Asia sejak tahun 2010. Anak syarikat pengurusan aset Great



Eastern, Lion Global Investors Limited adalah salah satu daripada syarikat swasta terbesar sektor pengurusan aset di Asia Tenggara.

Great Eastern adalah sebuah anak syarikat OCBC Bank, merupakan perkhidmatan kewangan kumpulan kedua terbesar di Asia Tenggara dari segi aset. Ia adalah salah satu bank pilihan tertinggi di dunia, dengan penarafan Aa1 dari Moody's. Ia juga disenaraikan oleh Pasaran Bloomberg sebagai bank paling kukuh di dunia pada tahun 2011 dan 2012. Pasaran utama Bank OCBC ialah Singapura, Malaysia, Indonesia, dan China. Ia mempunyai rangkaian lebih 450 cawangan dan pejabat perwakilan di 15 buah negara dan wilayah, termasuk lebih daripada 330 cawangan dan pejabat di Indonesia yang dikendalikan oleh anak syarikatnya iaitu Bank OCBC NISP dan Bank Wing Hang yang merangkumi 95 cawangan di Hong Kong, China dan Macau. Bank Wing Hang menjadi anak syarikat Bank OCBC pada 15 Julai 2014.

Untuk maklumat lanjut, layari greateasternlife.com